



Projet promovût di 'La Vôs dai Furlans' e 'ARLeF'

MAMAN

la VÔS dai FURLANS

Lu saveviso che...?

Ai 19 di Març e cole la Fieste dal papà, une zornade par fâ fieste a ducj i pais e une ocasion par stâ in compagnie des personis cjaris. Par chest une volte e jere usance di fâ une "mirinde di San Josef", un moment par passâ un



pôc di timp in compagnie, profitant dai prins dîs de biele stagjon. In tantis localitâts si organizin marcjâts e fiestis, dulà che si puedin cerçâ dolç preparâts pe ricorence. E voaltris fruts vêso prontât alc di speciâl pal vuestri papà?

CJALIN INSIEMI




I Inuits a diventin un tic mats cuant che e rive la gnot polâr. Dome cul soreli dut al tornarà come prime...

Cjalin insiemi la pontade di Horaci "Soreli soreglât" su





Pontut par pontut... e colore



Pierut al va li di so pari e i dîs: "Vuê o ai cjàpât un cuatri." "Cemût mai?" "No je colpe mê se la mestre mi à domandât robis che a son sucedudis prime che jo o nassès!

Ridi a plene panze!

Trops sono?



LES IMAGES A SONGIAVADIS FÜRDIHTIPS://IT.FREEPIK.COM - HTTPS://ARLEF/

Pagjine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman?! **Cirilil su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. La memorie no je il to fuart e cussi tu riscjis di tornâ a fâ i eròrs compagns di îr.



Gjambar. Tu sês anjemò lontan di dulà che tu âs voie di rivâ, ancje se tu âs fat dut il pussibil.



Belance. Pensâ ben prime di fâ lis robis al è just, ma tu tu pensis ancje masse.



Bec di mont. Pal doman tu viodis neri, ma chei che ti son dongje a impiaran une lûs.



Taur. Ti puedin sucedi cetantis robis che no tu pensavis, ma la tò fuarce ti judarà simpri.



Leon. Se tu pensis a dute le strade che tu âs di fâ ti somee une vore lungje, tache fasint un pas daûr di chel altri.



Sgarpion. Cjalant fotos vielis ti ven un grop a la gole, ma il passât nol po tornâ plui indaûr.



Agarûl. Il cûr dal to partner si sta disglaçant, no sta vè premure di recuperâ il timp pierdût.



Zimui. Al è un periodi che i rapuarts cu lis personis a diventin imberdeâts, no sta butâti jù.



Vergjine. No sta vè pôre di cambiâ idee su un projet o su une persone, dome par no someâ stupit.



Sagjitari. Sul lavôr tu pensavis di saltâ cualchi impegn e invezit tu âs di frontâju ducj.



Pes. Ti àn contât une vore di fufignis, ma tu âs di savé ricognossi cui che al è pardabon basâr.

